

Қуръони Карим дарслари (137-дарс) Тафсирул-Мароғий



15:30 / 18.05.2021 3808

Шайх Аҳмад Мустафо Мароғий ўзининг «Тафсирул-Мароғий» деб номланган китобини кичик ҳажмда ўттиз жуз қилиб ёзди. Бу тафсир катта ҳажмда ўн жилдда нашр этилган.

Шайх Аҳмад Мустафо Мароғий раҳматуллоҳи алайҳи ўз тафсирида аввал оятни келтириб, кейин алоҳида сўзларнинг тафсирини қилган. Кейин умумий маънони баён қилиб, сўнгра изоҳ беришга ўтган. Жумлаларни осон тил билан, кўпчиликка тушунарли бўлишини эътиборга олиб, тузган.

У киши китобнинг аввалида иш услубини ҳам баён қилган.

– Маълум оятлар мажмуасини аввал келтириб олиш.

- Кейин ўша оятлардаги шарҳга эҳтиёжи бор сўзларни шарҳлаш.
- Сўнгра мазкур оятларнинг умумий маъносини баён қилиш.
- Сабаби нузул ҳақида саҳиҳ ривоят бўлса, ўшани келтириш.
- Илмий ва мураккаб истилоҳларни четлаш.
- Замон ва маконни эътиборга олиб, ушбу тафсирни ўқиши мумкин бўлган одамлар тушунадиган тил ва услубни қўллаш.

Муфассирлар келтирган ривоятларни саралаш.

Бу китобни чоп қилиш 1365 ҳижрий сананинг биринчи кунидан бошланган.

Муаллиф китобнинг аввалида уни ёзишда ўзи фойдаланган ўттизта манбанинг рўйхатини ҳам келтирган.

«Қуръон илмлари» китоби асосида тайёрланди